

Akonutomakon 'Ciw Nikuhkuk SOGI IHTOLIKEHKITIMOK



SOGIEDUCATION.ORG

Keq Nit SOGI?

**YATTE-WEN WEWISU WENIL KOTUWAHALAT
NAKA 'SAPITAHAMSUWOK MACE
ACIKOTONAHTIT. SOGI NIT.**

Psiw ote kilun kwewisipon wen kotuwahaleq naka ksapitahamsultipon tuciw mace acikotonahtiyeq, ktahcuwi ppsiw ote skuwitomonen. Iwok kette nutokehkimsulticik mec kiluwahtuhtit elitahamsihtit. Kotokik olu kis wewisuwok elitahamsihtit, kenoq mec nituwiniya woliyawolotimok weci sankewitahamsihtit tan tehpuna tama elawsihit yut skitkomiq..

Tanci weskuvitasisik SOGI kwicuhketomonen 'sotasuwakon naka ktihkatomonen keksi militahamsultihtit etolikehkumucik, ewikultiyeq naka ppsiw skitkomiq.

KEQ APC KOTOKIL EWEHKASIKIL?

Nit kette ewehkasik 2SLGBTQ+. 'Ciw nikt qasi-piluwitahamsultihtit. Tahalu yukt eliwiyutpon motewolonok, yukt ehpicik kotuwahalat kotiki ehpilicik, skitapiyik kotuwahalahtit kotiki skitapiyik, yukt toqiw ehpicik naka skitapiyik kotuwahalahtit, yukt acehlosihtit, skinuhsissuwesicik naka pilsqehtsisuwessicik, piluwi-skinuhsis kosona piluwi-pilsqehtsis. Nit olu + 'ciw ppsiw kotokil militahamsuwakonol.

KEQ NIT SOGI-WITOKEHKITIMKIL?

Aluwehta ppsiw ihtolikehkikuwamol 'cuwitpot ankeyutasu weci sankewitahamsultihtit etolikehkumucik, weci kisi sankewokehkumut 'ciliw yukt piluwitahamsultihtit.

Ktomakitahamqot kenok eli skat ppsiw nit leyik Ihtolikehkumut 'ciliw 'ciw yukt piluwitahamsultihtit 2SLGBTQ+ etolikehkumut, 'tulnapemuwa naka ihtoluhkhoticik ihtolikehkumut. Ktahcuwi kmawoluhkhotipon weci nit accessik.

SOGI-Witokehkitimkil oc wicuhketasu weci ppsiw Ihtolikehkumut wikhumuhtit tpolutomakonol, woliyawoltimkil naka wolokehkitimkil 'ciw ppsiw wen kinitahatok militahamsuwakonol yut skitkomiq. Ktahcuwi kminuwapotomonen -- tpolutomakonol, kehkituwakonol, elokehkitimkil, ihtolikehkumut naka ppsiw kehkitasuwik—naka 'kiluwahtunen keq ehcuwi accehtuweq weci sankewitahamsultihtit ihtolikehkumut mace piluwitahamsultihtit acikotonahtit naka aqami sakolikapuwoltiniya.

SSOGI-witkehkitimkil oc kisacuwiiw 'ciw milikotonahtit, wolahtehc 'ciw etuceyihtit.

KEQ NIT SOGI? | WESKUWITASIKIL IHTOLIKEHKITIMOK

WESKUWITASIKIL WIKUWAMOK | 'PAKATAHSUWAKONOL

Akonutomakon 'Ciuw Nikuhkuk SOGI IHTOLIKEHKITIMOK



SOGIEDUCATION.ORG

Weskuvitasikil Ihtolikehkitimok

MATE WEN WOSAMI WASISUWIW WECI SKUWITASIK
MILITAHAMSUWAKONOL NAKA
WOLITAHAMUWAKONOL.

Kis iwol pomawsuwinuweyal militahamsuwakonol nuliwiw skitkomiq wiwoniw knicanuwak, naka kis knicanuwak wewisuwok naka tepitahatomuhtit tuciw piyemi wasisuwloltihtit. Kehsok wikhikonol, asakihtasikil naka amkahtimkil messunasik kseltomuwakonol, piluwitahamsuwakonol mace aciktonahtimok, wiciyawotomimok. 'Cuwitpot skat wen kweci 'katuwon kehsikilitahamsuwakonol woloma skat wen ktuwapolatokehlawin sessomiw.

Piyemitahatasik 'ciw SOGI -witkehkitimkil weci milapotasik eli skuwitasik 'ciw psw etuceyihtit. Tahalu kette yukt piyemi wasisuwloltihtit mace kehkmut, 'sotumuwanenc wikhikon eliwihtasik "Neqtakutomucik nikt Neqtakutomucik, askomi Neqtakutomucik" Ihtolikehkimucik oc kehkimsuwok eli psw ote neqtakutomucik, piluwitahamsultuwok., cipotuk kette pesq wasis wiciyemal Uhkomossol, naka kotok wiciyema piluwakutomuci, naka apc cipotuk pesq wasis wiciyema piluwi skitapi mihtaqsok. Okitomuhtit yut wikhikon wicuhketasuhc elitahasihtit eli psw keq piluweyik skitkomiq 'ciw etuciktonahtit.

ENUTOKEHKEMICIK 'TUWEHKANIYA SPI-WOLAMEWAKON WECI TETPITAHATASIK TAHALU IHKATOMUHTIT WOLI POMAWSUWAKONOL.

SOGI-witkehkitimkil ewehkasik ihtolikehkitimok, kat nit keq piley kosona mesq kisitahatasiw. Spi-Wolamewakon kehsikil milapotasu, kakehsuwi skuhutasu naka monakaci pecihtasuiw ikolisomanitpaskuwakonok kakehsikotokil.

SAPITAHASUWAKON KTAHCUWI KMUNSAYUTOMONEN WECI SANKEWITAHASUWAKON SAPAWSUWIK

I Elikotok 1989, United Nations kosicihtuniya eli psw nuluwiw skitkomiq ehcuwi ihkaleq psw wasisok. Mocel newinsk 'cel nisunol kehsokil wolamewiwol kisitahatasikil nuluwiw skitkomiq, kapiw weci sankewitahamsulticik wasisok. 'Kosicihtunen tanci wasisok kisi sankewewestuwamahtit nikihuwa kosona yukt tepinuwahtit, piyemi kinapuwoltuwok oc. Nit weci nutokehkikemeticik kicitahatomuhtit psw keq weskuwitonmuhtit on oc komuhciptuniya weskuwitasik tokkiw wosami 'sanaqok 'ciw wasisok. 'Kosicihtunen tena eli piyemi woli kisehtuhtihtit nutokehkimucik tanci tetpi kishamawotihtit kehkikemeticik naka psw neqtakutomucik. Tanci sankewitahasihtit wasisok wikuwak 'komaseyuhc 'kisi sankewewestuhtiniya.

KEQ NIT SOGI? | WESKUVITASIKIL IHTOLIKEHKITIMOK

WESKUVITASIKIL WIKUWAMOK | 'PAKATAHSUWAKONOL

Akonutomakon 'Ciw Nikuhkuk SOGI IHTOLIKEHKITIMOK



SOGIEDUCATION.ORG

Weskuvitasakiil Wikuwamok

**WOLLESSU OP SANKEWI SKUWITASIK PSIW KEQ
'CIW SOGI KIKUWAK.**

Komac Wolokimqot tan ci weskuvitasakiil psiw keq SOGI 'ciw toqiw ote nikihkuwok naka yukt nutankeyuwahtit wasisok weci sankewitahamsihtit nicanuwa naka wasisok naka aqami nustomuniya elonuhkahk nuliwiw skitkomiq. 'Ciliw apc knican piluwitahamsit tahu lu 2SLGBTQ+ elitahamsultihtit. Wicuhkemkunc weci sankewitahamsit tan tehpu eli piluwitahamsit, on oc 'komasi naka miyahsi skuwimsiniya sankewitahatasihtit.

Tomk ktahcuwi kwicuhketomon weci 'sapitahamsultihtit, sankewitahatomuhtit eli piluwitahamsultihtit. Skat kcicihtuwon keq op ktolluhkewak, mihkuluweman eli "kselomot tan tehpu eli piluwitahamsihtit. Tan tehpu keq 'kisakonutumuwi, kosona 'kisi papehcimi weci wicuhkelmul tan tehpu keq kota kcicihtuwon."

ISkat kcicihtuwon tan op 'kisi mace skuwitomuwon ehcuwi wicuhketomon, kiluwaht psiw kisuwikhomeq yut 'cossolewey npilasqom, kosona mattoktemuwan nuci mihkukemit, ihtolikehkitimok.

**MAWAKUTOMUCIK NIKT PIYEMI
KCITOMITAHAMATIT WASISOK.**

Tan ci mace piluwitahamsuhihtit wasisok naka 'tiwaniya kci-pomawsuwinol tan op kisi sapitahamahtit weci sankewitahatomuhtit eli piluwitahamsultihtit, komac oc wicuhkemkuniya weci sankewitahasihtit.

Komac motuwedu 'ciw yukt wasisok mace piluwitahamsultihtit, opocil mec 'tanaqsuwok 'komasi nutatahamahahtit yuhut piluwitahamsuwicik, 'cikaw ote eyihtit yukt sankewitahamahtit. Nit weci aqami nokasihtit knicannuk ktolwesttuwamkunen, 'piyemitahatomuniya tomk wenil piluweyal 'tolewestuwamaniya tahu lu nutokehkikemicik katok piyemitahamahtit mawawsuwahmat-Kil!

'Cipotuk kehsik kmilitahas naka kmilomulsin knican akonutomask eli piluwitahamsit, kmuwimuls, kcelitahas, knaskatahas kosona ktoliyusitams. Psiw yuttol papehcseyuwol olomulsuwakonol. Qeni luhkatomon psiw ktolomulsuwakonol, kmihqitahaman knican, nekom kal tena wosoki nokatomon elitahamut. Tomk ktolluhkatomon sankewitahasuwakon katok naskatahasuwakon, naka kmihqitahatomon eli nankomi kwewis oc aqamkehkimsiyin.

KEQ NIT SOGI? | WESKUVITASIKIL IHTOLIKEHKITIMOK

WESKUVITASIKIL WIKUWAMOK | 'PAKATAHSUWAKONOL

Akonutomakon 'Ciw Nikuhkuk SOGI IHTOLIKEHKITIMOK



SOGIEDUCATION.ORG

'Pakatahsuwakonol

'PAKOTASUWAKON: SOGI- WITKEHKITIMKIL OC KSOMPAWOLAK WASISOK WECI AQAMI PILUWITAHAMSUWIHTIT.

Tan ci wewisihit eli piluwitahamsihtit naka 'sapitahamsin wenil kotuwahalahtit, kis nit wasisok wewisu. Katekon wen 'kisi acehtuwon, naka mate wen qeci acehtuwon. Kotuwoluhkatomonen weci SOGI-witkehkkitimkil sankewi 'sotumasik ihtolikehkkitimok eli puwatomuwek psiw wasisok sankewitahamsultiniya tan te eli piluwitahamsultihtit, naka skat 'toqessiniya, kosona nokasiniya eli 'sapitahamsihtit woloma skat kotuhkaniwyik. Kinolutuwakonol 'ciw psiw piluwitahamsultihtit kis wewinaqot nuliwiw, on oc sankewitahamsuwakon 'kinolutmaniya etolikehkmut wasisok.

'PAKOTASUWAKON: PILUWITAHAMSUWAKON NIT TEHPU PEKOSITAHASUWAKON, NAKA MATE WEN 'KOSICIHTUWON KOTI LEYIK NAKA TAN SIPKIW KTAHCUWI KWICUHKETOMAN YUKT PILUWITAHAMSIHTIT WASISUWIHTIT.

Yukt Piluwitahamsuwicik, pihce nikt 'tihiniya. 'Tanaqsuwok kette miyahsi wewisihptonik eli piluwitahamsihtit. 'Tanaqtol wikhikonol itomuwiwol eli yukt Ihkalut piluwitahamsihtit, wicuhkehkimkuniyahc weci sankewitahamsihtit eli piluwitahamsihtit, sankewitahasuwok, woli sakolomulsuwok naka tena sankewikehkimsuwok.

'PAKOTASUWAKON: WIKHASU WESKUWITASIK SOGI- KEHKITASUWAKONOL KENOQ PAPEHCI KOLUSUWIW EWIKHASIK.

Pesqon tehpu kekkitasuwakon kisi mawipunasik 'ciw ihtolikehkkitimok wehkasu olokitomuhtit nikanikapuwicik, kmoskomonc nuliwiw akinuwehtasikil.

Psiw ote Nutokehkikemicik 'kisitahatomuniya tan op 'tuluwehkaniya, kisithatomuhtit elokehkimutpon-minuwikhomuniya kotuwikehkkitomuhtit naka 'tuwehkaniya kotokil wikhikonol kosona asakiwasikil weci kehkimut tan etuceyultihtit. SOGI 1 2 3 nihtol piluweyal kekkitasuwakonol weci nutokehkikemicik nihtawi mokonomuhtit tan op piyemi wolokehkitimkil 'ciw yukt piluwitahamsihtit naka kotokik weci wewisihit kehsihit militahamsihtit.

ON LU TAN KOTOKIL 'PAKOTASUWAKONOL?

Mecomiw tehcc pileyal 'pakotasuwakonol skuwitasuwol- wahkehsonol oc leyuwol, naka kotokil piyemi 'sipotokehtasuwol. Tan keq nutomon wosami assokihtaqt, mattoktemuwan yukt kisokehkimsultihtit naka woli kcicihuhtit.

**KEQ NIT SOGI? | WESKUWITASIKIL IHTOLIKEHKITIMOK
WESKUWITASIKIL WIKUWAMOK | 'PAKATAHSUWAKONOL**